



Broj/Број: 01/2a-50-1-2-6/07
Sarajevo/Сарајево, 27.04.2007.

ZAPISNIK

6. sjednice Komisije za vanjske poslove Zastupničkog doma Parlamentarne skupštine Bosne i Hercegovine, održane 26.04.2007. godine

Sjednica je prvobitno bila zakazana za 24.04.2007. u 14 sati, ali nije održana zbog nedostatka kворума. Naime, sjednici su prisustvovali Slavko Matić, Azra Hadžiahmetović, Sadik Ahmetović i Husein Nanić, dok su ostali članovi bili odsutni.

Sjednici su prisustvovali i svi pozvani gosti i predstavnici predlagača: Radimir Bogdanović ispred Ministarstva vanjskih poslova BiH, Lejla Somunović ispred Ministarstva sigurnosti BiH, Safet Šerifović ispred Ministarstva vanjske trgovine i ekonomskih odnosa BiH, Nikola Sladoje ispred Ministarstva pravde BiH, Miroljub Krunic ispred Ministarstva financija i trezora BiH i Nedžada Faginović ispred Ministarstva civilnih poslova BiH.

Zapisnik je vodila Merdžana Iglica, sekretar Komisije.

Kako zbog nedostatka kворума nije bilo uvjeta da se sjednica održi, prisutni članovi Komisije su se složili da je neophodno održati sjednicu Komisije prije održavanja sjednice Zastupničkog doma koja je zakazana za 26.04.2007.godine zbog davanja prethodne suglasnosti za ratificiranje devet sporazuma koji su predviđeni i dnevnim redom sjednice doma. Zato je dogovoreno da se sjednica Komisije za vanjske poslove održi 26.04.2007. pred početak sjednice doma i to sa dnevnim redom koji podrazumijeva samo davanje suglasnosti za ratificiranje devet sporazuma.

Tako je 6. sjednica Komisije za vanjske poslove održana 26.04.2007. sa početkom u 9h30, a vodila ju je, u odsutnosti predsjednika Komisije zbog službenog puta, prva zamjenica, Azra Hadžiahmetović.

Sjednici su prisustvovali sljedeći članovi Komisije: Azra Hadžiahmetović, Milica Marković, Denis Bećirović, Azra Alajbegović, Husein Nanić, Sefer Halilović, te Merdžana Iglica – sekretar Komisije. Odsutan je bio Milorad Živković.

Svoje odsustvo su, zbog službenog puta, opravdali Slavko Matić i Sadik Ahmetović. Zapisnik je vodila Merdžana Iglica, sekretar Komisije.

Sjednici su također prisustvovali i pozvani gosti i predstavnici predlagača: Emir Hasić ispred Ministarstva vanjskih poslova BiH, Lejla Somunović ispred Ministarstva sigurnosti BiH, Safet Šerifović ispred Ministarstva vanjske trgovine i ekonomskih odnosa BiH, Nikola Sladoje ispred Ministarstva pravde BiH, Miroljub Krunic ispred Ministarstva financija i trezora BiH i Nedžada Faginović ispred Ministarstva civilnih poslova BiH.

Prva zamjenica predsjednika Komisije, Azra Hadžiahmetović je predložila sljedeći

DNEVNI RED

- 1) Davanje suglasnosti za ratificiranje Sporazuma između Vijeća ministara Bosne i Hercegovine i Vlade Kraljevine Danske o prihvatu lica čiji je boravak protuzakonit (Predlagatelj: Ministarstvo sigurnosti BiH);
- 2) Davanje suglasnosti za ratificiranje Strateškog sporazuma o suradnji između Vijeća ministara Bosne i Hercegovine i Ureda Evropske policije (EUROPOL) (Predlagatelj: Ministarstvo sigurnosti BiH);
- 3) Davanje suglasnosti za ratificiranje Sporazuma između Vijeća ministara Bosne i Hercegovine i Vlade Republike Francuske o readmisiji lica sa nezakonitim statusom i Protokol o primjeni Sporazuma (Predlagatelj: Ministarstvo sigurnosti BiH);
- 4) Davanje suglasnosti za ratificiranje Sporazuma između Vijeća ministara Bosne i Hercegovine i Vlade Arapske Republike Egipat o suradnji u oblasti suzbijanja kriminala (Predlagatelj: Ministarstvo sigurnosti BiH);
- 5) Davanje suglasnosti za ratificiranje Sporazuma o gospodarskoj suradnji između Vijeća ministara Bosne i Hercegovine i Vlade Republike Mađarske (Predlagatelj: Ministarstvo vanjske trgovine i ekonomskih odnosa BiH);
- 6) Davanje suglasnosti za ratificiranje Privremenog ugovora o slobodnoj trgovini između Vijeća ministara Bosne i Hercegovine i Misije privremene uprave Ujedinjenih nacija na Kosovu (Predlagatelj: Ministarstvo vanjske trgovine i ekonomskih odnosa BiH);
- 7) Davanje suglasnosti za ratificiranje Sporazuma između Bosne i Hercegovine i Republike Hrvatske o izmjeni Sporazuma između Vlade Bosne i Hercegovine, Vlade Federacije Bosne i Hercegovine i Vlade Republike Hrvatske o međusobnom izvršavanju sudskih odluka u krivičnim stvarima (Predlagatelj: Ministarstvo pravde BiH);
- 8) Davanje suglasnosti za ratificiranje Ugovora o financiranju između Bosne i Hercegovine i Evropske investicione banke – *Projekat obnove električne energije II* (Predlagatelj: Ministarstvo financija i trezora BiH);
- 9) Davanje suglasnosti za ratificiranje Sporazuma između Vijeća ministara Bosne i Hercegovine i Vlade Republike Mađarske o suradnji u oblasti obrazovanja, nauke i kulture (Predlagatelj: Ministarstvo civilnih poslova BiH).

Prijedlog dnevnog reda usvojen je jednoglasno.

Ad.-1. Ad.-2.Ad.-3.Ad.-4.

Za sva četiri sporazuma iz domena Ministarstva sigurnosti BiH, predstavnik Ministarstva vanjskih poslova BiH, Emir Hasić dao je pojašnjenje da su ispoštovane sve procedure te sačinjena ocjena vanjskopolitičkih razloga za ratificiranje ovih sporazuma. Kako nije bilo pitanja za izvjestioca niti rasprave o ova četiri sporazuma je glasano u paketu i data je jednoglasno prethodna suglasnost za njihovo ratificiranje.

Ad.-5.Ad-6.

I za dva sporazuma iz domena Ministarstva vanjske trgovine i ekonomskih odnosa BiH potvrđeno je da postoji usuglašenost međunarodnog prava, te kako nije bilo pitanja i rasprave, suglasnost za ratificiranje data je jednoglasno.

Ad.-7.

Za ovaj sporazum je izvjestilac iz Ministarstva pravde BiH, Nikola Sladoje kratko objasnio da se radi o izmjeni kojom se on proširuje i na Republiku Srpsku, a da je sadržaj

sporazuma potpuno isti. Nakon toga je bez rasprave i za ovaj sporazum data jednoglasna suglasnost za ratificiranje.

Ad.-8.

Oko Ugovora o financiranju između BiH i Evropske investicione banke za Projekat obnove električne energije II, u raspravi su učestvovali članovi Komisije sa pitanjima izvjestiocu iz Ministarstva vanjske trgovine i ekonomskih odnosa BiH, Mirosljebu Kruniću. Tako je Sefer Halilović upitao da li se zna na šta će novac od ovog kredita biti potrošen i usprotivio se prekomjernom zaduživanju naše zemlje bez jasne strategije prioriteta i to ne samo u energetskom sektoru nego i u drugim domenima značajnim za napredak Bosne i Hercegovine. Naglasio je veću potrebu traženja i iznalaženja finansijskih sredstava u unutrašnjim rezervama kako bi se izbjeglo da ove dugove vraćaju naša djeca i unuci. Na ovo su uslijedili odgovori i pojašnjenja da se radi o vrlo važnom dvokomponentnom projektu Power 3 koji se realizira već osam godina, ukupne vrijednosti 212 miliona eura, sa partnerima koji su, pored Evropske investicijske banke, još i EBRD (Evropska banka za obnovu i razvoj), te KfW i Svjetska banka. Također je naglašeno da postoje akcioni planovi na razini entiteta, ali i države, sa jasnim strateškim ciljevima za elektroenergetsku oblast kako bi se izvršilo restruktuiranje sistema elektroprivrede u kojem su ovakvi ugovori važna odrednica strateškog ulaganja u elektroenergetski sektor naše zemlje.

Nakon rasprave o ovom ugovoru i davanja prethodne suglasnosti za njegovo ratificiranje sa pet glasova za i jednim suzdržanim glasom, Azra Hadžiahmetović je predložila dva zaključka koji će biti upućeni Vijeću ministara BiH:

- 1) da se Komisiji za vanjske poslove, ne čekajući redovni polugodišnji izvještaj Vijeća ministara BiH, dostavi detaljna struktura projektne zaduženosti BiH;
- 2) da se Komisiji za vanjske poslove dostavi lista kreditnih sporazuma i ugovora o zaduženju BiH iz raznih oblasti, koji su potpisani, ali ne i ratificirani, jer će u protivnom, Komisija prestati sa praksom davanja suglasnosti za ratificiranje ovakve vrste ugovora.

Ovi zaključci usvojeni su jednoglasno.

Ad.-9.

Kako nije bilo pitanja i rasprave oko ovog sporazuma, suglasnost za ratificiranje je data jednoglasno.

Sjednica je završena u 10h.

SEKRETAR
KOMISIJE ZA VANJSKE POSLOVE
Merdžana Iglica

PRVA ZAMJENICA PREDSDJEDNIKA
KOMISIJE ZA VANJSKE POSLOVE
Azra Hadžiahmetović

Kopija: MVP-u BiH